

Newspaper	UTUSAN MALAYSIA
Date	6 SEPTEMBER 2016

Dr. Mahathir terdesak kembali kepada Anwar...

UM - 6/9/2016

Oleh ZULKIFLI JALIL
pengarang@utusan.com.my



TERKEJUT besar semua. Walaupun kehadiran Tun Dr. Mahathir Mohamad di Mahkamah Tinggi Kuala Lumpur semalam dilihat sebagai memberi sokongan moral kepada Datuk Seri Anwar Ibrahim terhadap pendengaran injunksi Ketua Umum PKR itu terhadap Akta Majlis Keselamatan Negara 2016, siapa sangka 'drama' seperti itu akan berlaku.

Insiden itu semacam tindakan terdesak memandangkan keadaan yang tidak memihak kepada Dr. Mahathir. Banyak percaturannya tidak menjadi. Pertemuan dengan Anwar yang merupakan musuh ketatnya secara tidak langsung seolah-olah Dr. Mahathir meminta maaf kepada Anwar.

Dalam sejarah UMNO, tiada hubungan akrab yang lebih nyata antara Perdana Menteri dan timbalannya daripada hubungan antara Dr. Mahathir dan Anwar. Anwar dilatih sebagai penggantinya.

Namun, pada 2 September 1998, Anwar yang ditatang bagaikan minyak yang penuh oleh Dr. Mahathir selama 16 tahun, terpaksa disingkirkan dari

pada jawatan Timbalan Perdana Menteri dan Timbalan Presiden UMNO. Ini susulan langkah-langkah serongnya yang mengakibatkan pendakwaan kesalahan meliwat dikenakan ke atas dirinya di bawah Seksyen 277B Kanun Keseksaan.

Pertemuan Dr. Mahathir-Anwar semalam adalah demi politik untuk memastikan gerakan anti-Datuk Seri Najib Tun Razak berjaya.

Juga untuk menyelamatkan politik anaknya, Datuk Seri Mukhriz. Pada masa sama, bekas Timbalan Perdana Menteri, Tan Sri Muhyiddin Yassin tidak boleh diharap kerana tidak mempunyai akar umbi. Ini menyebabkan Dr. Mahathir memilih Anwar sebagai sandaran.

Dr. Mahathir tidak ada pilihan dan terpaksa menggunakan 'kekuatan apa sahaja' untuk menggugat kerajaan. Sebelum ini beliau berbaik dengan Penasihat DAP, Lim Kit Siang.

'Deklarasi rakyat' yang dicantungkannya bersama pakatan pem-

Dr. Mahathir tidak ada pilihan dan terpaksa menggunakan 'kekuatan apa sahaja' untuk menggugat kerajaan. "

bangkang juga gagal. Persidangan-persidangan perwakilan bahagian dan sayap UMNO menolak campur tangan asing untuk mengacau pentadbiran kerajaan.

UMNO malahan terus kukuh di bawah kepimpinan Najib. Institusi presiden tetap dipertahankan. Sambutan Hari Kebangsaan ke-59 baru-baru ini walaupun diuar-uarkan pihak tertentu kononnya negara di bawah 'tekanan', rakyat masih mahukan kestabilan.

Bijak pandai sering berkata, sejarah banyak mengajar manusia tetapi manusia biasanya mengulangi peri laku sejarah seperti yang dikatakan dalam peribahasa Inggeris: "*History repeats itself*".

Dalam politik alamnya terus berputar. Bagaikan 'sumpahan', dalam politik apa pun boleh berlaku.